



OMUPROFETI ELIA KONDUNDU
JA KARMEL.

ONGAME OMUUA KALUNGA KOJE, INO KALA U NOOKALUNGA JALUE.

JIKARUNGA.

"Uaha kara nojkarunga kumue name."

Ose tua jika kugazara vapagani vana kara nojkarunga nose vakriste tuna kara na Karunga gosili gelike. Nje tuna puka. Vakriste hena vana kara nojkarunga.

Sikarunga sina fumana ntantani, iso nonkuara. Vakadona novamati, ntene tava ninki nonkuara dauo va likuare, tava pongaike nonhuhua dononzi na hena sikombo, ntene vana va zigida ruvali. Mongereka oro ruautatu, ntene si mongura tava likuara, makura, vakadona nava uoku nava uoku, tava guanekere. Masiku ogo kumue novamati novasumanemati va hara uljavi, makura, netumba ta hepa, nje ezuva oljo ku mutupuisa sikombo mokajiga. Ozo baas, ntene ono sikama kesinja lJORUGUMBO, ndangove, momu o mono munjemba ta dimbire ko ngandi, usimbu to diuoroka asi, mpepo zondona zina kara po. Imo hena etembu lJovapagani, auo hena kudimba masiku mudima dogoro taku si.

Ose vakriste tuna pingida kusiga upagani eji va tu sansa. Nonkuara ido sipito soupagani, ntene tatu dimbi masiku nage-nje dogoro mpja. Ngesi kapi si naua, sina ninki nje sipito soupagani. Ose vana va Karunga, ose tuna kara nojipito jetu jeruganeno Karunga neji jomasakramenti. Tatu govvara sili, ntene tatu panda nonkuara doupagani.

Karunga ga handukilire vaisrael morua ntana zosingoli. Vagara mojovi gatatu va fire. Vakutona va va tugumukilire na Moses ga kere ta kondjo sili mekanderero kosipara sa Karunga, jeji Karunga ga kere ana kumana po rudi rovaisrael narunje.

Sirongo sovaisrael eji sa tekere po, Hompa go Assyria ga tumine mo vapagani. Auo, eji va vareke kufumadeka jikarunga, Karunga ga sumuidire vanjime mokatji kauo, ijo va humine vantu.

Imo hena moruveze rua hompa Ahab vaisrael va tengukilire kombinga nombinga va fumadekere Karunga ijo va fumadekere Bal, sikarunga sovapagani. Karunga ga tumine nje erumbu lJenene, malima gatatu noukahe. Vafumadeki va Bal na Astarte Elia ga va dipagere. Imo Karunga ga han ukilire vaisrael.

Muna mono muntu eji ta tenguka kombinga nombinga kapi taku uapere Karunga. Karunga kapi ta hara jikarunga, nje ta handukire vafumadeki uojimutji no vafumadeki uoupagani.

Matias Sikondomboro.

OJO NO JE JI TOOLA PO KEHE ONGULA.

2Mos 61:11-21.

Sho tu nokushuna kaandjetu kuSuomi, otua hala oku mu kundila po noohapu dhosondaha yi li pokati meidhiliko, oohapu dha kuthua mu 2Mose 16:11-21.

Otatu kutha mo edhiladhilo limue alike. Aaisrael ya li ye nokutoola omanna, oshikuiila shauo, esiku kehe. Yamue ya li ya hala okupungula iikulya yesiku lya nofu, ihe oyo oy'uudha omazinjo, y'oolo.

Olutu luetu talu pumbua iikulya esiku kehe, nosho tuu omuntu guopambepo ta pumbua iikulya jopambepo. Aakriste oyendji taa kambadhala okukala muukriste ihe ihaa lesna nenge ihaa pulakena oohapu dha Kalunga kehe esiku. Ngashingeji otatu mono mokati ketu aakriste taa kala moluhondelo, miifundja no momahalo agehe golutu. Taa inekele ukriste uauo, ihe inaa tseja kutja otaa kambadhala ngashi aaisrael okuipungulila iikulya yomuenyo, na inaa tseya ukriste uauo nkene tau tameke okunika.

Ngele eitaalo lyetu lya lika komazinyo goondjo, otatu kala mongundu jaakani, nOmuua Jesus ta ti kutse: "Ngashi omau haga gongelua no haga fikua po, ano osho taku kala pehulilo lyuuyuni. Omuna guOmuntu ota tumu ko aayengeli, no taa ka gongela mo moshilongo she aahongololi ayehe na mboka haa yono uuyuki no taye ya umbile meziko lya hanya.

Ano okumona ompito yomuenyo gaaaluhe otatu pumbua kehe esiku elaka lyetalaleko lyOmuwa. Tua hala ano oku mu kundila po nehalelo ndika mu mone kehe esiku ehalo epe okukonakona oohapu dha Kalunga mu mone oonkondo okukala mondjila ya Jesus, opo tu mone montaneho ya Jesus egongalo lyomOuambo lya yelithua, lyaa nedhilo no lyaa nengongoto nenge shaa shoka sha fa mbika, awe, li kale eyapuki no lyaa noshipo.

Kaliipo naua.

Anni na Eero Hatakka naanona.

X X X

Otse mbaka tua kala popepi nomuhongi nguka E. Hatakka otua hokua iilonga je nomalalakano ge e ga holola sho a longo mOseminari oomvula doka ne konjala. Mokukala kue naalongua nonaalongi oojakuauo mboka ja li mepangelo lje, shoka okua kala omukuluntu guOseminari, okue ja uilike neuiliko lja kuata ehumokomeho ljoshiguana ashihe shaaambo. Oje gumue gaaahongi mboka je na elalakano ljaaambo ja taambe shili ehumo tali ende muukriste.

Ondi inekela itandi puka ngele tandi ti otse atuhe aaambo otatu halele omuhongi nguka negumbo lje oondjenda di nelago nefudo kaandjauo negalukilo nkuka.

Hosea Nampala.



April 1956

OOMVULA DEJELEKO NODEJAMBEKO.

Omasiku ngaka aakriste aakuaevange-
li jokOkavango otaa gongala moshituci
shauo oshinene shokuhambela Kalunga
omoluudiginini ue, oje sho kua uvicica
oohapu de devangeli kOkavango oomvula
30 nokuli. Omoluoshituci shoka oshifo shi-
ka shetu uo oshi na omahokololo ogendji
gokuhokolola oshilonga shetumo kOkava-
ngo noohapu dimue domelaka ljaakavango
nokuli. Osho ngeji aakriste jokOuambo uo
otaa vulu okunjanjukua pamue naamua-
jina jokOkavango nokuhambela Kalunga
omoluauo noku ja galikanena.

Oomvula dika 30 okuza komumvo 1926
sigo ongashingeji oshilonga shetumo osha
longua nuudigu owindji kiilongo jokOka-
vango. Uupagani uako oaa li uukukutu
shili. Uuhalu ueliko ua manga oonakuka-
la kevi ndjoka ljo ondoka. Omapukico
guukatoli oga fala ojendji pombambo. Olui-
di nomavu galue oga teja oonkondo daa-
tumua ojendji, noojakuauo jamue oja nje-
ngua moshilonga shauo. Pomacimbo oge-
ndji omualu gaaatumua ogua li omushona
unene. Sigo onena aatumua jaali ajeke ja
mono ompito okugalukila kOkavango komi-
nima jefudo ljaou koSoomi. Oshilonga she-
uuvico osha digupalekua uo kouindji
uomalaka ngoka taga popiua komunkulo
guOkavango. Oshilonga shokuhanganica
aantu jomiiguana mbjoka ji ili noji ili ja
ninge egongalo limue alike mOmuaa, ina-
shi kala oshipu. Olwindji omutondi a ka-
mbadala okusica aalongihapu uunje, opo ja
ece oshilonga shoka oshikukutu. Ihe oje
oja kondjica uunje mboka noji ididimikile
omajeleko ngoka ge ja aada nokutegelela
ecimbo lja Kalunga.

Oomvula doka dejambeko ode ja ihe.
Nge tatu tala oomvula dika dongashingeji,
otu uete, nkene omualu gaaakriste ogua
tameke okutana, aatumua oje ja uo ojendji
je vule shito, oongulu oompe oda tungua,
aalongi naasitagongalo aakavango oja pita
monanongelo gauo no ja tameke okujaku-
la aantu jokevi ljaandjauo. Ngashingeji
egongalo kehe oli nomusita gualjo naalon-
gi jaljo aakavango, manga oojakuauo oje
li po taa putudilua iilonga mbjoka. Shika
ashihe osho ejambeko enene lja zi kuKalun-
ga. Oje auike na hambelue!

Ngele tatu diladila oshilonga shetumo
kOuambo, ngashi sha li omumvo 1900, uu-
na kOuambo kua li kua longua oomvula
30, notatu shi jeleke na shoka shokOkava-
ngo shongashingeji, otu nokutja: oshilonga
shokOkavango oshe endebele. Oshoka omu-
mvo 1900 kOuambo kakua li ku na nando
omulongi omuambo a pita moseminari,
oshoka oseminari ja aadika inaaji dikua.
Aasitagongalo aauambo- aaue, kaja li ko.
Kakua li ku na nando oshipangelo shimue
nenge ondohthora nenge omupangi nokuli.
Nomualu gaaakriste uo inaagu aada koma-
jovi gatatu ngashi kOkavango ngashingeji.

OSHILONGA SHETUMO KOKAVA- NGO.

Evi ndjoka lja joololelua aavaleluamo
jokOkavango oljo enene shili. Okuza ke-
kuvu ljaljo ljoquumbugantu, komukunda
guoKarakuvica, sigo komolonga guOkava-
ngo oku noomeila 100. Kuuzilo evi ljetu
otali tameke nkoka oshitendua sha Capri-
vi (Caprivi-strook) tashi hulile ko. Omu-
ntu nge ta zi ko e te ende noshitauua
shoka tashi landula omulonga, oje e no-
kuenda oomeile 250, manga ina cika koKa-
tuitui, okomukunda ngoka gu li ketsakane-
no ljomulonga noljongamba jontaululi. Na-
ndo evi ljokOkavango oljo enene ngeji,
muljo omu naantu aashona: aabantu 23,000
naakuankala 4,000.

Aantu ojendji oja kala popepielela no-
mulonga. Oomvula dika da hugunine aantu
oja tameke uo okukokola omapja gauo ko-
mulonga guOmatako nokungoka guaMpungu,
nkoka ku nevi euanaua tali gandja
iilja ojindji. Komulonga oku niilongo itano
ja landulacana. Ngele tatu ji tumbula oku-
za kuu: ilo, oje Buguhu, Bogedo, Sambiu,
Bunja noKuangari. Elaka ljaakuangari otali
icanua "rukuangari". Elaka ljaabunja no-
ljasambiu konjala oljo tuu ndjoka limue,
noli uuvitike uo kaabogedo nokaabuguhu.

Evi ljokOkavango oli noonkondo do-
kueta iimeno ojindji. Evi eluude otali aadi-
ka sigo muale uoojaartsa mbali pomaha
gamue. Omapja itaga limua ue nomatemo,
otaga pululua. Aantu otaa teja iilja ojindji
ji vule mbjoka jokOuambo. Onkee aantu
itaa pumbua okukonga iipaluca palue. Iimu-
na otaji mono uo iinapelo iinene ji nomui-
di gua guana.

Oshilonga shetumo osha longua ecimbo
efupi manga. KoBuguhu nokoBogedo aaka-
toli ja longo oomvula 40. Oshilonga shaa-
soomi osha tameke koKuangari nokoBunja
omumvo 1929. Mokuja ko aasoomi oja aada
ko nokuli aalumentu ojendji ja longua
elongo ljevangeliki Uushimba. Ojo nokuli ja
aadika ji indile aasoomi je je ko kujo.

Ngashingeji otse aasoomi otu na nkuka
oongulu ne: Mupini, Rupara, Kuring-Kuru
noMpungu. Mpungu oji li mokuti kokule
nomulonga guOkavango, oongulu oonkuauo
odi li komutuni guagu. Otatu longo uo
oshilonga shetumo koongulu depangelo ko-
Runtu, oshoka otu na ko aapangi jaali no-
mujevangeliste gumue.

Oshilonga shokoRuntu osha longua
oomvula mbali adike, ihe oshe tu etele
enjanju enene, oshoka oko tuu nkoka tatu
vulu okuaada aantu ojendji. Oshipangelo
shokoRuntu osho omutse guiipangelo ajihe

Onkee otu na uo omukumo omuuanaua
okudiladila oomvula doka tadi ja. Kalunga
ngoka a tameke kOkavango oshilonga oshi-
uanaua shi cike mpoka, oje ote shi guani-
ca uo muudiginini nomesilohenda lje.

Ngashingeji sho tua ningi ongerki ji-
mue ajike jokOuambokavango, otatu pu-
mbua uo eendacano euanaua mombepo ji-
mue johole nojekuacacano. Omakuti nii-
heke mbjoka ji li pokati ketu inaji tu imba
okugongala kumue, opo tu kolekacane tse
tu talalekue keitaalo ljetueni limue alike.
Tu monacane esiku kehe koshipala sha
Kalunga megalikanenacano!

Aamuameme jokOkavango! Otse otu
nenjanju enene pamue nane sho tu uete
mune eguanico ljoohapu dika depsalmi 126:
"Omboka taa kunu nokulil'omahodi,
ojo taa ka teja nenjanju ljopombanda."

jokOkavango, noko akuke muSuidwes-Afri-
ka alihe oku noshipangelo shaanuulepera.
Musho hamu kala aanulepera 80 taa zi ku-
Suidwes-Afrika alihe, unene tuu kOkava-
ngo kuene.

Oshilonga shetumo otashi longua nku-
ka konjala ngashi kOuambo. Kongulu kehe
oku nongerki noskola noshipangelo. Ihe otu
na uo shoka itashi monika kOuambo. Osho
oongulu daanona. KOkavango aanona oje-
ndji oje nondjila onde unene okuaada ko-
skola. Onkee oje oje nokupeua eha pongu-
lu, opo ja uape okudiginina oskola jauo.
KuMupini otu naanona jamue ja zi koKa-
rakovica, kombanda joomeila 110.

Ecimbo ljokulonga sho lja kala efupi,
evangeli lja Jesus inali mona natango
ompito okulonga oshindji maakavango. On-
kee omuaalu gaaapagani oguo natango
omunene gu vule noonkondo omuaalu
gaaakriste. Aakatoli oje na aniuu aantu
5,000, manga otse otu naakriste 3,000. On-
kee ku na natango aapagani 20,000. Ko-
Mpungu oshilonga shetu otashi aada uo
aakuankala ojendji. Kehe omumvo omuaalu
gaaakuankala mboka taa kongo ekuaco
moshipangelo otagu indjipala, ihe aashona
ajeke ja zimine okutameka oskola jeshasho.

Kiilongo jetu oku naantu 20,000, nge-
le tatu jalula uo mboka je li komutuni gua
handijaka jomulonga. Omuaalu nguka nge-
le tatu gu jeleke nomuaalu gaaauambo,
otu nokutja, aantu mbaka oje aashona. Ihe
oshilonga shetu shetumo itashi hulile maa-
ntu mboka ajeke. Uujelele uokOkavango
otau minikile kokule shili kuAngola, nkoka
ku naantu taa pampadala monilema kaje
uete uujelele uevangeli. Ohatu mono uo
aatembukili ojendji. Omahangano gaali,
SWANLA na WINELA, taga endica aa-
mati mboka taa ka longu kuJohannesburg
nokuKimberley. Ojendji jemujo taa zi ku-
Angola. Ojo sho taa galuka ja zi kiilonga,
kaje na aluhe ehalo ljokushuna kuAngola.
Jamue otaa tumu ko elaka, aantu jauo ja
tembukile kOkavango, notaa kongo omapja
nkuka, Unene koRuntu nokuMupini noko-
Rupara kua tula aakuilongo mboka joku-
Angola. Oku naanjemba, naashimbundu,
naambuena naachokwe, naankangara, naalu-
tjadi, naamasaka, naangangela, naaruena,
naamasi. Aalotji taa zi kuRhodesia nokuli.
Ajehe mbaka otaa ilongo nzija elaka lja
rukuangari, ndjoka tali longicua momago-
ngalo getu.

Onda hala ndi mu hokololele natango,
nkene aantu jokokule taa, icanua kuujelele
ua Kristus notaa zi momilema dauo taa la-
ndula uujelele mboka sigo taa ciki kelago
ljehupico. Ngashingeji pua piti oomvula
25, kokule komulonga gua Kwandu, pope-
pi na Noord-Rhodesie, sho kua zi omuma-
ti omukuangari, a ka konge iilonga kuSuid-
wes-Afrika. Aatiligane jotango mboka e ja
mono, oje aahongi aasoomi, mboka opo ja
aadika ja tungile koKuring-Kuru. Oko tuu
nkoka omumati ngoka a uuvu luotango
edina lja Jesus. Ngashingeji omumoti ngo-
ka a ningi nokuli omuuvici guedina ndjoka,
oshoka oje a longua sigo a japulilua uusi-
tagongalo. Oje omusitagongalo guokoRupa-
ra Matias Shikondomboro.

Aakuangari sho je li po natango ja
halakana ngeji kiilongo ojindji notaa ende
oondjila oondeendeka okutalelacana po,
evangeli lja Kristus otali ende uo pamue
naju notali taandele ngeji kevi ljomilema
duupagani, nkoka aantu inaa tseja natango
edina lja Jesus.

Veikko Teinilä,
omukuluntutumuua guokOkavango.

OSHITUCI OSHINENE.

Esiku limue otaku ka danua oshituci oshinene shesimano. Oshituci oshinene sha simana ngaaka inashi danua naale komband jevi.

Unake?...

Eeno- kandi shiuo.

No kapu na ngoka e shi shi uo.

Ihe oshituci shoka oshinene otashi ka danua. Osho oshoshili.

Oshituci itashi danua kaantu jamue ajeke, ihe otashi danua kaantu ajehe, aane ne naashona. Osho otashi ka kala oshituci shuujuni auhe.

Moshituci shoka ajehe je na okukala mo. Na shaa ngoka e nokukuaca moshituci shijaka okulonga uanaua nesimano ljashe.

Omua hala uo tuu kukuaca?

Ihe tango mu nokutseja uo, omolua shike oshituci shika shi nokudanua.

Otashi danua oshoka Jesus e ja isheue kombanda jevi.

Ngashingeji Jesus oku li megulu. Ihe shoka oje Omua oku li uo mpaka putse kombanda jevi. Eeno oku li uo apehe. Oje ote tu uvitile oshimpuiju ngashi uo aantu jalue. Oje omukuaniilua guegulu no guevi no guujuni auhe. Onke ano uujuni u na okudana oshituci shika ngele ta zi megulu, te ja kombanda jevi, te ende miikogo.

Shino otashi ningua unake? Kape na ngoka e shi tseja, oKalunga auike e shi tseja.

Ngiika tashi ningua mbala, nenge pamue tapu piti ecimbo ele natango.

Ihe shika oshi na okuningua shili, oshoka Jesus muene e shi uvaneke, Shaa shoka e shi uvaneke, ote shi guanica uo.

Ihe pua piti ecimbo ele Jesus sho kua uvaneke okugalukila kue kombanda jevi, ihe natango oshinima shika inashi ningua.

Ngashingeji oku naantu mboka inaa itaala ve kutja oje ota galuka. Onke kaje na ko na sha okuilorgekidila oshituci shijaka oshinene.

Ihe, ajehe mboka je hoole Jesus, oje shi shi shili, kutja oje ota galuka nando pua piti ecimbo ele ngaaka. Ojo taa ilongekidile oku mu tegelela. Ojo ohaa galikana e je mbala, taa ti: "Jesus omuhoolike, ila mbala, otse otue ku juulukua!"

Omolu aantu mboka oshituci shoka otashi ka kala sha kumica, ngele Jesus e ja. Esiku ljenjanju no ljeadimo...

Ihe ha ku ajehe. Ku jamue otali ka kala esiku ljoluhodi, ngashi Jesus muene a tile.

Omolu oshinima shino manga a li kombanda jevi okve ja hokololele ejele euanaua ljaakadona omulongo.

Omua hala oku li uuva?

Ano pulakeneni.

Okua li ku na aakadona omulongo. Oja li ja cikama kooha dondjila no ja tegelela. Olja li ecimbo ljongulohi.

Oja li ja zala oonguo oombuanaua. Ajehe omulongo oja li je na uulamba. mua li mu nomagadi. Oua li ua tema naua.

Omolua shike aakadona mbano omulongo ja li ja cikama ngaaka ecimbo ele nokutegelela?

Oshoka okua li ku na okukala oshituci. Okua li ku na okukala ohango.

Onke aakadona mbaka omulongo ja li ja tegelela ombushiki nomufuko. Osho ngaaka ja ji kooha dondjila.

Mpoka ja li ja tseja pu nokupitila ohango. Megumbo ndjija ajihe okua li ja longekidilua oshituci.

Oja li ji nokukala ohango jesimano. Oshoka shaa ngoka e na olamba ja tema okua li e na okuja pamue najo. Ajehe mboka ja li je nehalo okukuaca mokulongekida oshituci shika, oje na uo okudana oshituci nokunjanjukua.

Oh, oshituci shika otashi ka kala sha simana ngiini Aakadona oja li ja juulukua ngiini? Ecimbo kehe oja li ja lengalenga kokule konima jikulu ndundu ngele taku zi ohango. Ihe ondjila ja li ja muena cilu, omilema adike. Kakua li ku na ngoka ta zi ko.

Ai, pua piti ecimbo ele noonkondo.

Aakadona oja tameke okuvuulua nokujemata sho ja tegelela ecimbo ele ngaaka. Ojo ja kuutumba pooha dondjila. Nuulamba poonto dauo...

Osho ngaaka ja kuutumba ecimbo ele. Ihe natango ombushiki ine ja. Osho omilema da tana. Pua li pokati kuusiku nokuli. Ongulohi ajihe aakadona ja kala taa kumuka.

Ja tsu oonjanjo. Uulamba omulongo ua cikama pooha dauo. Uulilo omulongo ua tema momilema. Ihe ecimbo ele ngiini? Uulamba ua tameke okupuiilila. Oshoka omagadi ge li pokupua mo.

Ohaluka jouala taku zi hujaka kokule omaui guuhumba. Nuujelele u'uulamba tau monika tau gena kombinga nombinga. Nomau gehambelelo tagi iigida pombanda: "Oje ngo te ja! Ombushiki oje ngo te ja!"

Ila nzija! U ke mu tsakanekel!"

Ombadilila aakadona ja papuduka. Nokuendelela ja nuka ja kuata uulamba uauo. Ihe oh! Uulilo konjala u dime, oshoka omagadi ge li pokupua mo. Uulamba konjala u li ouala. Nokuli itapu piti ecimbo ele, nena u li oualelela cilu. Ihe nena? Nokuaana olamba ja tema kape na ngoka a pitikilua okuja moshituci. Nena okua li ihe je na okuninga ngiini?

Ihe aakadona jatano jomujo okua li je shi sho taa ningi. Oshoka mbaka jatano okua li ji ilongekidila oshituci. Oshoka kehe gumue okua li e etelele okakende kuugadi ponto. Mbala mbala taa zile omagadi muulamba uauo. Nena uulamba ua tameke ihe okutema naua.

Ihe aakadona aakuauo jatano kakua li ja soshimpuiju ja kale nomagadi ga guana. Ngashingeji taa kuutumba ouala jaa shi sho taa ningi ue.

Alikana tu kuaceni uo kashona muugadi ueni?" Osho ja hehela jakuauo. "Oshoka oolamba detu otadi dimi."

Ihe aakadona aakuauo jatano inaa vula oku ja kuaca, oshoka uugadi ja li je u na poonto, je u zile auhe moolamba dauo.

Tondokeleli kostora!" Osho ja jamukula. "Indeni mu ki ilandele omagadi mbala mu uape okugaluka."

Naakadona mbejaka jatano ja tondoka shili nokuendelela momilema.

Na mboka jatano taa njantuka nenjanju, taa ji mo pamue nongundu.

Ongundu oja li jo opala ngiini noola- Etsikilo ke pandja ljahugunina.



Oshikololo shaagundjuka.



Mpaka ope nefano. Tala naua efano ndi, u njole etotuhokololo (opstel) kuljo. Ito hokolola ouala shoka u uete mefano, aue. Oto tungu oshininguanima shoka sha fanekua mefano ndika, ngashi naa naa ongoje to shi toto.

ETSEJICILO.

MOmukuetu guomu Januari mua li mu netumbulo limue lja holekua mitja ja fa kaji noondunge. Ngele ua kuca okantoko kotango koshitja kehe nuuntoko mbu ue u mono ngeji ngele ue u tula melandulacano ljoopala ua mono etumbulo tali ti: „Onena tuu ndjika mua valelua Omukulili.“ Mboka ja jamukula ngeji ojo: Lahja Hosea; Lydia Urho, Mirjam Ngishidimbua, E. Banhapo, Mateus D. Shihepo na Andreas Bululu.

MOmukuetu guomu Januari mua pulua uo omaimbilo gamue. Omaimbilo ngoka mua kucua mo omatumbulo ogo taga tameke ngeji:

1. Jakuetu njanjukueni.
2. OJesus nde ku etele.
3. Atuhe njanjukueni.
4. Megulu mua zomujengeli.
5. Krimesa jetu eeno ja ciki.
6. Lucicijahenda ngoj' ua pua.

Mboka ja jamukula ngeji ojo je li ko ojendji no tatu ja pandula oshoka ja holola ngeji ehala ljauro euanaua ljokukuaca Oshikololo Shaagundjuka. Ojendji je tu njolele uo, onkee tue ja pandula noku ja halela ejambeko lja Kalunga nuupenda moonkambadala dauo oombuanaua.

Omahokololo gaacigacani taga tegelelua kOngandjera sigo esiku 31 Mei. Ngoka ta njola ehokololo ljoopala li vule agehe ota peua ondjambi je, nehokololo lje otali ka njanjangidua moshifo shika - moshikololo shaagundjuka.

Omajamukulo naga tuminue ano „Oshikololo shaagundjuka“ Okahao Ongandjera. Ha mOniipa ue.

EKOTA LI LI PENI?

Aakuluntu, aagundjuka naanona oje hoole omaimbilo. Ojo ohaa imbi mokulunga nomokuenda nondjila nokuli, ihe uuene je hoole okuimba mongerki nomii-gongi ngashi uo mokuhungila kuauo. Ehala ljokuimba li li meni moomuenjo daauamba ajehe. Okanona manga ka li okashona ka hokua oluimbo sho ka kuutumba mokahungi taka pulakene okuimba kuamboka taa hungile megumbo tuu ndjo. Omajambeko ngoka tue ga mono momaimbilo tage tu hokololele ohoole ja Jesus kage shi ku jelekua, oshoka ke li po oge-ndjigendji, tue ga peua okuza kuunona uetu.

Ihe omaimbilo gogenegene oga zi peni ando? Ekota ljago, oli li peni? Ndi shi eimbilo oli nitja, ihe iitja ajike itaji guana ji ninge eimbilo, aue. Iitja taji pumbua eui ndjoka tali ji oopalele.

Muujuni muka mua kala aantu jaamue ja peua omagano okunjola uuteuo. Nisheue omua kala jaamue ja peua omagano okuninga omaui taga oopalele uuteuo. Osho ngeji kua valua omaimbilo.

Kalunga ngele e shi hala, komeho tapu ka tamekua omahokololo taga hokolola omaimbilo gamue taga tsejika naua kaaua-

OMUGUNDJUKA MONDJENDAMU-SHIGAKANO.

Onda kala ndi-hoole okulesha oohapu doka tadi popi okuhepekua kuOmukulili nondi hoole uo okulesha nokupulakena doka tadi kumida oonakuhepekulua edina lja Jesus. Onda hala uo ndi hoole okuimba oondjimbo domapenda ga Kalunga, omboka ja piti momulilo omolu edina lja Kalunga. Dimue domoondjimbo doka nda li ndi di hoole odo dika: 409 na 389 (Omaimbilo gegongalo lja Kristus). Unene etumbulo ndika: „Nda hala ku ku longela osigo okusa,“ olja huameke shili omuenjo guandje. Onda li ndi uuvite uuladi uoku li guanica uo. Konima Omuaa okua ulukile ndje kutja ehuaamo ljangje olindji oljopantu. Oljo ehuaamo ljopagundjuka. Oje nge ta hala okujelica eitaalo ljangje pamukalo guontumba nenge guongandi nenge ta ulukile ndje sha ndi shi longe mokupitila muupju aue, onda tila. Inandi hala okuzhama. Nda dimbulula ihe ope na sha shi ili: Jesus Kristus Oje omusindani. Ngele ndi mu na, opo tandi sindana.

Omugundjuka omukuetu, otua cigilua omushigakano; Luk.9:23. Otu gu na aluhe momalutu getu, Kol.1:24 no moombepo detu. Oguo okudinua nokushekua. Tatu dengua uo no jaamue taa dipagua omolua Kristus. Esiku limue oguo uuvu nenge oluhepo lua sha luomuujuni. Ito vulu koonkondo doje muene. Ehuamo ljopantu -Mat.26:33-35- tali eta ohoni noluhodi, Mat.26:74,75. Mevangeli pa Joh.15:5 Jesus ta ti: Muua na ndje kamu vulu okulonga sha.“

Omugundjuka gua Kristus. Sho to njengua okuhumbata omushigakano guoje noto njengua okusinda omamakelo, oua dimbua okutala ku Golgata noui inekele oonkondo doje muene Omapenda mboka u ja holele oja sindi koonkondo da zi komushigakano gua Kristus. Omoluado oja vulu okucigapo iihoolike jauo je ja njanjuda naale muujuni nokupitila momulilo pamikalo odindji. Pamue ua njengua okuidilika nokuidimbika uujuni nomuenjo guoje muene. Manguluka u jakule aakueni uo. Ihe dimbulukua uo kutja aajakulua ku Jesus ojo je mu tsike omushigakano. Ojo je mu hepeke nojo je mu dipaga. Maakueni mboka to ja jakula, to ja pukulula no to ja dingile uuanaua aue, omo tamu ku zile uo omahepeko nuutondue ouindji. Monkatu kehe pula omuenjo guoje ngeji: Omuaa Jesus okua li a ningi ngiini mpa-ka? Ngele to vuulua oje te ku pe evululuko: Mat.11:28-30. Ota huamica uugundjuka uoje, ope u mu longele. Ote ku pe oonkondo da Mbepo Mujapuki, opo u humbate omushigakano guoje noku gu cikica mesindano.

Liina Mpanda.

mbo. Tapu ka etua sha kaanjoli nosho uo kumboka ja ninga omaui.

Otseni atuheni tua hokua omaimbilo tage tu tsu omukumo notage tu njanjuda. Onaua ngele tatu tseja sha kaantu mboka je ga ningi. Ngika enjanju ljetu nejambeko ljetu tali ka guedelua.

UUZERA UEVANGELI MOKAVANGO HENA.

Rudi rua kere taru gendagura momundema runa pahukire uuzera uonzi, nava vakere mev uonzi, Uuzera tau zerere mo Jes. 9:1.

Imo norudi oru ruetu nken rovakavango tua kere tatu gendi monomundema da uiui. Tatu si dimburura ngapi, asi monomundema tua kere tatu gendi? Tatu si dimburura mokutara kukara kuetu konare momagazaro nomoirugana jetu jina tu na jirugana nare.

Ame eji nina tara kukara kovakurona vetu. Uunene ame nina tetuka eji nina tara ndi nina resa marudi govantu igo marudi gomanzi rudi kenje. Nje ei nina jereke norurueto rovakavango, iro rudi rorununu sili. Nje morua sinke nampo?

Tara morua epangero ljomundema. lina dipaga uovanzi uomokati ketu. Morua kugenda momundema vakuangali uovanzi vana varanda makanja koimbali, Vakuangali uovanzi vana va dipaga no va vazugumina momukuro, asi varodi, Amisi vakuangali uovanzi va na varanda nombinga dovanzovu. Amisi uovanzi vanapu kufa komauhungu, vanona vanafu koita. Vagara vana pu koita, nongo nke diuanzi, esupa lina pangere vantu. n. s. t.

Nani ininke jokukara ngesi kapi taji sesupisa rudi nani?

Ipo morua ininke jokukara ngesi Karunga kapi ana uapa kumuena aue, ana diuoroka Rudigona oru rorununu, morua eji Karunga ana hara ku papara muenjo gomukavango kenje noku gu parura.


Ipo Karunga ana li horora movapagani nokuli, eji vamati vakavango iji vana zi kousimba iko oko vana guana ko vauambo vakriste iuo ouo vana va rongo iipango parukuanjama, nomimbiro parukuanjama. Nje vamati ava kapi vana va sansa aue. Makura eji vana uiza moshirongo sauo vona vana uiza vakere kuponga sondaha kenje ku dimba marusumo, nokulironga iipango. Imo nken vana guana udigu sili movakurona jeji vakurona eji vana zuvu marusumo vana handuka asi: Tamu hunu kufa momambo getu. Nje nampili ngoso vapagani vana vamati vana dameke noupenda sili ua Hompa. Imo nkugo ozozina siki mev uonzi uambo. Vahongi uomOuambo eji vana zuvu asi kuna kara sirongo kavango na kuna kara vantu vanafana nguedi vauambo. Mpepo za Hompa zina huama momuenjo guo mama E. Narhi. nampili kapi ga diva ko nampili kapi ga diva eraka ljetu. Nje ana li tura erondo ljouiza uovanzovu, uovanjime, uovangue, uenota, uovaduni, morua sinke? Morua vakavango!

Nampili kapi tani vuru kutumbura udigu ou ana uguana komadina gauo. Njetatu pura asi udigu ana uguana.

Karunga ana tanta asi. Nje tara ame tani kara pamue none mazuva nagenje, dogoro ehagero ljouzuni. Mat. 28: 20.

Karunga ana kara pamue no mama E. Narhi dogoro mev uonzi ljetu. Imo ana mono sili Rudi tarugendi monomundema ana zuvu honde zovakuangali uovanzi tazi kugu. 1. Mos 4: 9-10.

Imo vana mu tambura membo limue lja Ruben Kandjabu imo omo ana kara naua. Nje mezuva 30/4. 1926. Mama ogurana sansa vakarongo ouo.



ELONGELOKALUNGA LJAANASHILUNDO KU RUNTU.

OSHIPANGELO SHAANUULEPERA KOKAVANGO.

Onda aadika keindilo, ndi hokololele aaleshi jOmukuetu oshipangelo shaanuulepera shi li koRuntu kOkavango, oshoka muSuidwes-Afrika alihe kamu noshipangelo oshikuauo sha fa shika.

Ngashingeji pua piti oomvula ne, ondotora jevangelo Kuschke sho kua tameke okudika oshipangelo shika. Oje okua aada nkuka kOkavango aantu ojedji taa aalukua uulepera (oshilundu), onkee oje okua indile epangelo li ja joololele eha limue ljokukala. Eha ndjoka olja monika koRuntu, naavu oja gongelelua ko ja zi kiilongo niilongo. Oshipangelo shika inashi ta iipangelo iikuauo, oshoka aavu jamue je na mpaka omagumbo gauo niigunda jauo nokuli. Jamue je nokukala nkuka oomvula odindji, oojakuauo otaa kala ecimbo efupi alike. Ajehe otaa mono ekuaco notaa pitikilua ja ka shune kaakuauo.

Otse otu nokuhambeleda Kalunga, oje sho kua pe aantu oondunge okulongekida omi tadi panga uuvu mbuka uudigu. Ando aanuulepera ajehe je je ja pangue, ando itapu kala ue uuvu uatjangaaka.

Ngashingeji onda ningi oomvula mbali mokupanga aantu mbaka. Etumo ljaasoomi olja hala okukuaca aavu nokukuaca uo epangelo nolja gandja omupangi a jakule moshilonga shika. Okuza kuAgustus otua ningi jaali nokuli. Ohatu sile omalutu gaavu oshimpuiju, ihe otua hala uo okukuaca oomuenjo dauo, tu kale aatumua ja shili mokati kauo. Onkee otua mono enjanju enene muNovember 1955, aanuulepera jamue sho ja shashua, ja ningi aantu ja Kristus.

Ipo mukuetu ntene to gazara kukara kuetu konare na ntanintani, to tanta ngapi? Amisi ehambere ljothambere Karunga eji ana tu ditura monomundema edi da uiui morua Jesus Kristus Hompa.

Imo ku diuoroka vatumuava vakuasuomi Karunga ava pe nonkondo nouradi ou.

Karunga vamufumadeke hena nomuetu ose.

Imo nove tuara uuzera ou movapagani. G. M. Nairenge.

Pecimbo ndika otu naavu 64. Jamue jomujo ojo aakriste aakuaevangeli, isheue jamue aakatoli, ihe oojakuauo ojedji ojo aapagani. Kehe osondaha ohatu gongala momuzile, moka mua dikilua iipundi. Aavu jo jene oje ji dikile mo kehalo ljauo jene. Otua njanjukua, sho tua dimbulula ngeji ohoole jauo jokuhoola Omuaa Jesus Kristus noohapu da Kalunga.

Sho tua longekida oshituci sheshasho, otua kongo eha ljo oopala li vule ndjoka ljomomuzile. Otue li peua moshihongelo. Onda lombuele aamati, nkene je nokuoopaleka mo, noje shi ningi naua shili. Sho nda ka tala mo, onda kumua shili. Iipundi jokuhongela oja zalekua omalapi omatokele nojo oopalekua noongala noonjeka domagadi. Osho ngeji oja ningi oshigalikano sho oopalelela. Taa li tu uvite, kOkavango akuhe kaku nongerki jo oopala ji vule ndjoka.

Esiku ljaajapuki otua li tu uvite shili oshituci. Aakuangali jatatu nuunona uauo uujaali, noshho uo omunkumbi gumue naakuanjama jatatu oja cikama koshigalikaneno noja hempulula eitaalo ljauo ljo-kuitaala Omuaa Jesus Kristus. Otse atuhe tua li tu uvite ehanganu ljaajapuki. Omusita guegongalo ljokuMupini Elia Neromba pamue nomukuluntumua guokOkavango Veikko Teinila oja jakula egongalo koshigalikaneno noja shasha aantu mboka. Elongelokalunga ljetu olja hulile mUulalelo Uujapuki. Koshililo shOmuaa aavu jetu oja li juuvite esilohenda lja Kristus, ngoka a hala okukuaca mboka je nomitenge omidigu. Esiku ndjoka ljaajapuki omagalikano getu gecimbo ele oga guanicua, notua makele oshituci shOmuaa.

Aaleshi, inamu dimbua okuhambeleda Kalunga, sho mu nomalutu ga kola notamu vulu okuja kongerki shaa ecimbo mua hala.

Aavu mboka jokOkavango otaje mu kundile po unene pamue nangame.

Sirkka Rantapere.

Oshicima shomukaga no ku nombili shi vule egumbo, ljuuda onjama joontselela, ko ku noontamanana.

Omaj. 17:1.

SHITLANGU.

omuna guokombanda

Lja njolua
ku
Andre de Clerc
na
Edoardo Mondlane

Lja lundululua
ku
Hosea Namupala,

Etsikilo.

Osho nda penduka noluhodi. Kuku na meme oja li taa popi nalje? Okuholoka kuan-dje pu jo inaku jona oonkundacana dauo.

-Shitlangu, ondi shi shi nena ku iuvite uunene.-

Inandi jamukula.

-Kotokela omasiku gokomeho uaa tu tule ue muudigu, -meme osho a ti.

Kuku okua gueda po: -Onaua ngele ito ecele ko ue ikombo joje kebala ndjo. Omunandjahi nguija e tu talelelepo ohela ka li uupu kutse. Pamadiladilo gandje ote ti oje oshiponga. Aaue, aaue aakuetu, laleka elundu ndjo.-

-Okua koka tuu a guana okuja komalicilo kokokule?- meme osho a pula.

-A koka a guana? Ohela ina peua nani uutati uoshilumentu?-

Oohapu domukulupe oda kuata omutima guandje. Omahala gomuiidi nkoka iimuna haji licua, ogo uo omahala gaamatjona aapuidi. Shaa tuu ngoka ta fala ko iimuna je oku nokukala a guana, omulumentulela. oko nkoka uudigu (uomumati) tau tameke, omahinduagulo.

Kokule kashona negumbo ljaandjetu oku na amatapatale gaali. Ope na ndjoka lja Njaurongole hali opalele aendipo, etale ndjoka hali kuatakanica uumbulau uevengandja kumue nouomanenge galjo. Olja kundukidua konikanka dimue di na omuiidi omutalala, iikulja iimuna. Etapa limue oli li kokule kashona. Momucima gualjo guomanenge omue ende omulonga gu na edina hali lundululua ecimbo necimbo omolu omukunda moka omulonga nguka tagu matuka, tagu icanua Injarime, mpoka tagu tondokele mefuta.

-Meme, meme, ote kala ihe nda koka! Iikombo jandje kaji kana ue no itape ja ue uudigu.

Ihe kuku ina muena:

-Shitlangu, inatu hala ue uupjakadi noshiponga shija sha li she tu popi ohela. Aje omukiintu omunkundi. Ina longua. O-nde mu dina.

Kuku okua hulica opo kaa longice oshitja shetukano omolu ondjahi je.

Okukala kuandje kuokomeho oku na okulunduluka. Ondi nokuhogolola pokati komaulicilo ngoka gaali.

Shoka sha tokolua osha tokolua ihe itashi ningua pecimbo ndjoka. Aakintu mboka jaali oja li je nokupopja tango naauiliki joshiguana, ootatekulu na unene aacici unene Shitlangu Omunene. Ngame moohapu doka kandi mo. Omasiku gamue ga piti, ecimbo ndjoka onda kala nokulica peha oljo tuu ndjoka naua ndi vulice nale. Uukuume uaasitangombe, oojakuetu muudano nomaugoja galue. Omacigacano getu mokukauila iikombo nomacona, okangundu ketu okashona mu nkoka Majeriman oje omupangeli guetu, -ajihe mbika ondi na

oku ji ciga po ongashi ezinjo tali cigi po oshikalakala.

Oonkundacana detu na Majeriman oda ji muule: ngele ndi nokuja ndi ka kale he lica komajalala ngeja, ino eca ndje ndi je ongame auike.

Moshiguana shetu otse aapangeli. Epangelo ljokuihola, ljaapangeli aashona, tali kokica oonkondo daljo noshinge shaljo komapipi nomapipi.

-Majeriman, ou shi shi ongoje omunankondo u vule ndje, u shi ompindi u vule ndje. nomukongo u vule ndje. Tala ouala iikaha mbjo nomagulu. Ngoje omulumentu omugundjukalela. Andola opecimbo ljaakuanilua jetu aakulu, ando otaa inenepekele omukuiita a ndjanga nokua nuka po onga ngoje' Ou iuete tuu ndi shi ngoje ngoka omunene u vule ndje, to kala po peha mpono muunona manga ngame tandi ji ndi ka longe iilonga jaalumentu kokule? Majeriman, iho diladila?-

Majeriman okua jamukula. Oto popi ngiini Shitlangu? Ondi ku shi naua, nondi shi shi ongoje omulumentu omuanaua. Ongoje Shitlangu guetu. Ua koko oua ha a okukonakoua? Oua peua uutati niikuti omasiku nga ga piti. Ngele pamue oua hala tu je na ngoje kuusita, otandi ke shi popja kegumbo aakuluntu jandje opo ja gandje etokolo ljaou.-

Uupjakadi u'uusita oue eta mungame ediladilo itaali hulu, tali hepeke ndje aluhe, nolja fa tali cindi nokuehameka.

Onda hogolola: etapa Njaurongole oli li kokule naandjetu li vule ndjoka lja Manguenjana. Kombinga jimue ha ngame tandi ka kala omukuiilongo, aamati ojendji oje shi ndje. Oko tuu nkoka tse na Majeriman tatu ka fala ko iimuna jetu.

Ano osho nda tokola naua. Uusiku sho ue ja onda ka lala mondjugo ja kuku, ndi igonjene mekolo lje, nonda kambadala okuimba- ihe kanda li te vulu okuipangela. Aagundjuka mbaka joku Njaurongole otaa tilica ndje. Komeho okua fa ku ra uudigu.

Ekapiteli 9.

EHALA LJONDEMONI.

Inenenima mbjoka haji taandelica omavu oji li po patatu: oombepo daacici, aalodi noombuto duuvu.

Aacici ohaa cingi. Okamuoje ngele ke niue kodila nenge oshikanjatela ojo je li muko. Aalodi ohaa zi moondunda dauo no taa tuka ju ukilila kegumbo lja ngoka ja hala okudipaga.

Uusiku mbuijaka sho nda lala mondjugo ja kuku, onda kuatua koomposi oone- ne. Mondjodi jandje ondi imono ania te lica petapa lja Mangwenjana nda kondekua kongundu jaamati taa hindi ndje. Taa undulacana notaa nongona, na okedidiliko taje li paacana otaa katuka oshita ju uka ku ngame nokujola noonkondo. Otaa nukile ndje nokuundula ndje mepunda. Ite vulu okufuda. Kandi na mpoka tandi hupile. Otaa kapula ndje komutse. O, omutse guandje! Otaa denge ndje noonua. Jaje omagulu gandje, ombunda jandje, omapepe gandje! Otaa cengununa eke noshikaha shandje. Jajee aakolokoshi! Onda jadauka nokuicana:

-Kuku! Meme!-

Kuku okua penduka. Okue ja pu ngame nokua kuutumba pombanza. A cenga-

cenga ndje kombunda nekua tala ndje nomeho ga nikuumbanda, a tala ndje nokua didilike kutja ondi niue kosha, shi li pungame, sho osho tuu shili.

Kuku a holola omagonja koshipala nokua kuca okankinda ke kiigegeti. Onoshikaha she shoongandji duukulupe okua du- ngadunga iigegeti. Konima jokudungadunga okua galikana aacici nokua ti:

Onda ningi shike? Onda njateke oshinakuguanicua shandje? Konima joomuedi mbali kamua li nani mua indile okakombuena. Hamo nee ke li moshigunda? Inamu ja ku ngame e tamu pula omalovu? Noondjupa domalovu di li megumbo muno, itadi hololola ngaa kutja onde mu longele naua. Odi nontaku natango. Omua hala shike isheue oshike ite koca nombili?

Omumatjona nguno omoluashike itaa koca nombili? Oshike tamu mu pjaganeke? A loloka. Oje auike omutekulu gueni. Oje auike onkungulu jezimo tua tegelela. Oje auike a hupu muuinaji mboka tua li tue etelua kaalodi. Mu eceni a koce nombili.

Nenge pamue onda puka? Hane pamue ookuku aasimanekua tamu tu hepeke ngeji? Nenge pamue omukulukadi nguno a li a zimine okukuata ondjuhua muno pomasiku mpano? Ngele pamue oje, tu gameneni ano.

Ongoje omumuandje, he jokanona nkaka, oshike ue ka ciga po kaa na omukua- ci? Ongame tuu nde ku vala nenge ogulue? Ino koka nani u li moshimpuiju shaho? Lica ano okamuoje nuusi' a mbcka ho a li he ku licica. Toratela oml uto joje muene.-

Kuku opo a guede ko omajambo koo- hapu de, okua tile omanuinojambeko gomalovu pevi. Ecimbo oljo tuu ndjoka ngame onda penduka nonda tsikile okujadu- duuka kuandje, posheelo nopua konkola. -Egululii ndje, egululii ndje!-

Omeme ta popi, a li a lala mondjugo ji li ponima jonkuauo, a penducua moomposi kegalikano ljomukulupe. Okue ja a tale shoka sha ningua po. Manga tuu kuku te mu hokololele, onda lili. Ondi ihata koombinga adihe. Omutse guandje, ombun- da noombuetelo dandje, ajihe taji ehama. Iihuna ja kuata ndje.

Meme ina limbililua naudo okusha, omukiintu nguja a li ta pjagana na ngame esiku ndija oje a logo ndje. Kape na omalim- bilililo oje omulodi otashi ka hololua naua komuanekeli.

Uulodi, oshinima oshinene. Omulodi okua zi molutu lue nokue ende meimuene- neno uusiku nokueja mondurda jandje. Ota lambele ku ngame nota tameke okudipaga ndje nuulodi. Ngashingeji siku limue otandi ende ouala nda sa, hasho?

-Meme, inandi sa, nenge onda sa?-

Meme okua hekeleke ndje: -Muena nkelo, omuanekeli, onganga, ote ke tu kua- ca. Oje te tu lombuele ngele oua logua tuu shili. Ngele osho ota tida mo cmuledi ngo, ongoje noto kala isheue naua, nkelo jee.-

Sho e shi popi okua tula ndje kombun- da ongokahanona.

Okua li natango uusiku, na onganga oji li kokule kashona. Otua dingoloka kashona etatu ji komukulukadi guomushiinda e tu fale e li onzapo. Oje iha tompua. Ii- nima joshili ohe ji popi naua.

Sho tua ciki paandja Nganga, opua li oondjuhua tadi tetena momiti. Tse katua li tatu kudile na katua li nomulilo. Sho tua popicua pamukalo guoshiguana, kuku okua kuutumba poshijala, nokua hokolola shoka she tu eta po.

Tapu tsikilua

Muuyuni muka omu nuvu u ili nou ili. Oyendji oye noondunge okukwatha mboka taa aalukwa kolutu, ihe olwindji otaa nyengwa, ngele taa aadha omuntu ngoka ta aalukwa komwenyo. Omuntu oku nokukala ngiini nomukwawo ngoka kee na nando oondunge? Omuyanankwengu ota pangwa ngiini? Ongoka ina gwana po, ota vulu ngiini okukala mokati ka mboka ye noondunge dha gwana?

Tango otu nokuholola, kutya aavu ya tya ngaaka oye li po oyendji mokati ketu. Omumvo 1953 miipangelo yok Union omwa kala aatiligane naaludhe ayehe kumwe 19,288 taa alukwa komwenyo. Muyo 3,000 oya li mboka haa ithanwa kOwambo omagoya, ano kaye noondunge. Ooyakwawo 16,000 aayanankwengu naavu yalwe yokomwenyo. Aakaanooondunge oyendji aaludhe inaa yalulilwa momwaalu ngoka, oshoka yamweyamwe ayeke yomuyo ya monenwa omaha miipangelo. Ooyakwawo oya kala ashike komagumbo.

Ando pwa yalulwa ayehe mboka ya li taa aalukwa komwenyo omumvo ngoka, nando inaa mona eha miipangelo, ando omwaalu gwawo kagu vulike k'27,000. Ongundu yi thike peni ndjo! Nokwa kala natango oyendjiyendji - ngiika 200,000 - kaye li wo nawa komwenyo, nando ya vulu ngaa okulonga iilonga yawo.

Mokukonakona omavu gokomwenyo otatu vulu oku ga yoolola moongundu. Tango ope nomavu gokolutu taga vulu okwetela aantu oshiponga shokomwenyo wo, ngashi olwidhi nendongo. Yamwe ya aadhika kuuvu wokomwenyo, sho ya mono oshiponga komutse, tu tye ya dhengwa nenge yi ihatele puukukutu wa sha.

Oshitiyaali ope na mboka ya valwa yaa noondunge. Nando omalutu gawo taga koko, oondunge dhawo otadhi kala dha fa ndhoka dhuuhanona. Olwindji shika otashi holoka, uuna omutse gwokanona gwa mono oshiponga pethimbo lyokuvalwa, nenge yina okwa li ta aalukwa nayi pethimbo lyokutegelela okanona.

Ihe ope na wo mboka inaa kwatwa kuuvu wokolutu, yo inaa mona oshiponga shombadhilila. Yamwe mboka ya putukile momagumbo kage na nando ombili, oya tameke okuholola uuvu wa sha wokomwenyo, nosho wo aana yaakolokoshi noyaa-nkolwi. Ope na wo mboka ya lalakanene iinima iinene; sho inaa ye yi mona, oya teka omukumo noya piyagana momadhiladhilo gawo. Ooyakwawo ngiika ya aadhika koluhodhi olunene lwa teya oonkondo dhoomwenyo dhawo. Oondjo dha holekwa tadhi aalula oomwenyo dhoyendji notadhi piyaganeke omadhiladhilo gawo.

Onawa, sho tu shi shi, aavu oyendji oye shi kupangwa notaa vulu okwaaluka. Shila mboka ayeke ya valwa yaa noondunge, itaa lunduluka we. Ihe muyalwe 20 ngele ya mono eha moshipangelo shaavu ya tya ngaaka, 18 yomuyo taa vulu okulalekwa mo ye li nawa. Ana yaali ayeke yomomilongo mbali taa pumbwa okukala mo sigo kokusa kwawo.

Aavu yokomwenyo otaa pangwa ano ngini? Yamwe taa pewa omiti naa naa ngashi aavu yalwe wo. Ooyakwawo otaa

Ovakriste vomu India ova hovelela oshilonga shetumo mu Afrika.

Opu piti paife kashimba eehani mbali, omuhungi omuindia Din Daye l nefolo laje eshi va dja ku Bombay (oshilando shimue shinene shomu India) no ve uja ku Kenia va hovele oshilonga shetumo movaindia ve li mu Afrika. Ovatumua ava ovotete v'Ehangano leengerki domu Nord-India.

Ovakriste vomu Afrika ve fike po 25,000,000.

Ovañu vomu Afrika aveshe kumue ve fike po 207,000,000. Movañu ava ovakriste ve fike po 25,000,000. Omuvalu uovakriste ovaevangeli 12,000,000, hano konjala etata lovakriste. Ndelene ovakuamuhamed ova ninga vahapu unene, omuvalu uavo 88,000,000.

Oshiponga shokapuka mu S.W. Afrika.

Eefalama dihapu domomikunda dok'Okahandja n'Outjo oda hepekua nai kokapuka. Ngashi ofalama "Omatako View" ja lika omuidi konjala filufilu. Oovene veefalama va indila epangelo li va kuafe moshiponga eshi. Osheshi konima jomafiku manini oimuna javo kai na vali eshi ta i li.

Ofalama imue k'Outjo ja hangika i na epungu li na oule ua jeleka okutuika, paife alishe konjala ola lika fijo omedu. Mue-ne uofalama ei naje jo a pula ekuafu ke-

aaluka, ngele taa kambukithwa koonkondo dholusheno. Yamwe otaa tandwa komutse, ngashi mboka ye noshitumbuka muulwi. Oyendji otaa pangwa pamukalo gwokomwenyo, oondohtora sho taa kundathana nayo notaye ya pukulula nombili miinima mbyoka ya piyagana muyo. Ope na wo mboka taa pumbwa ashike ekwatho lyomusitagongalo, ya hempulule condjo ndhoka dhe ya hepeke komwenyo. Ombili ya Kalunga oyo eaaludho lyawo.

Ando aantu ayehe ya gandje comwenyo dhawo kuKalunga, ando omwaalu gwaavu yokomwenyo gu shonopale shili. Oshoka ongoka i itaala Kalunga nota kala e mu inekela melago nomoluhodhi, oye e na aluhe ombili momwenyo gwe. Oye ta kala wo nawa nooyakwawo nota gwanitha nawa oshilonga shoka te shi pewa e shi longe. Etilokalunga olyo tuu ekota lyuunongo nolyoondunge sigo onena.

Omboka mokati ketu taa aalukwa komwenyo otu noku ya tonatela nawa nombili, nando naaye tu etele uupyakadhi cwindji. Omalyenge nomadhengo kage nekwotho olindji; shoka taye shi pumbwa osho ohoole nombili. Aapangi otaa vulu okupukulula aakwawo yaavu ya tya ngaaka, nke-ne ye nokukala nayo. Iratu dhimbweni okugalikanena wo aantu mboka, Kalunga e ya galulile uukolele nombili yomeni.

Tu indileni wo, epangelo lyetu li dhikile aavu ya tya ngaaka oshipangelo, oshoka oyo itaa mono momagumbo ekwatho ndyoka ye li pumbwa, manga aakwawo ishewe otaa vulithwa komakamba nokomapiyagano gawo.

pangelo. Onge epangelo la diladila li tume odila i na omuti uokudipaa okapuka, ope eefalama odo di kuafue nge tashi dulika.

Oduali okapuka ka li jo momikunda da Windhoek n'Outjo, ndele oka findilue ngaho keengendambalo.

O mumbue jomatale mu S.W. Afrika.

"Eufo lokuninga omatale mu Swakoprivier nomu Visrivier ohandi li popi noku-diinina shashi onda diladila, otashi uapalele unene S.W. Afrika no tali shi pumbua unene. Onda njika ashike oluhodi shashi eshikulafano la tja ngaha lokuninga omatale inali ningua nale." Omuprofessor Press osho a popja.

Oje okua ile nodila fijo ok'Okawango noku Kunene. Okua dja ko a hafifua unene kedu eli. "Eshi kua li nda hala unene okumona okanja ka Kunene ndele mupjanene katua li tu na omaholi a uana modila", osho a ti. Oje omukuluñu uomahupo aeshe omatale. Medu ngashi la S.W.A. Omatale otaa pumbua noku noshilonga unene e dule momadu amue", osho a ti.

Omuprofessor Press okua ti, S.W. Afrika otali pumbua omatale a kula avali, limue mu Swakoprivier na limue mu Visrivier, oo oku nokuningua diva, ope ne taku ningua omatale ava manini paufolandulafano eli.

Oje okua kuatua jo komito ojo ja holoka ko koumbangalañu. Omilonga edi Kunene na Okavango oda eta po omito iua unene okuninga omatale koumbangala. Omuprofessor Press okua ti, ota tuala ediladilo laje kepangelo la S.W. Afrika ngenge tava ka kundafana oilonga jomatale no tava ka dika eshikulafano loilonga ja tja ngaha.

Oundongi domu S. W. Afrika.

Ovanahambo vomu S. W. Afrika ove li pokuninipalifa oundongi uavo; osheshi paife ombelela joundongi oja halika no tai dulu okutuminua nokoilongo nokuli.

Meedula natu da pita mu Kapa omua hovelua okutomua oundongi nombelela oja tuminua koilongo jo. Etomo eli ola huma komesho fijo oundongi va ninipala mu Uniona. Eninipalo eli olo oshinima shinene unene, osheshi oundongi ohau mane po oinapelo no hau shundula oshilongo.

Omuhona A. J. van Niekerk ova udafana noministeri uokalinaua etomo loundongi li hovelue jo mu S.W. Afrika. Ovanahambo otava dulu nee paife okutuma oundongi uavo kokatomeno, ope ombelela i monike.

AAPOSI YOKU UNION.

Ku Union oku naaposi oyendji, ayehe kumwe oye vule nokuli 32,000. Aantu omayovi nomayovi otaa pangwa omumvo kehe omolwa shoka ye nomeho tage ehama. Okuza komumvo 1952 aantu 500 mboka ya li ya tsika oya ningi ishewe aanameho, sho ya tandwa koondohtora. Aaposi mboka itaa vulu okukwathwa ngaaka, otaa longwa iilonga mbyoka taa vulu oku yi longa, nosho ngeyi oyo taa mono ompito okuimonena iipalutha.

OSHITUCI...

mba dauo da tema. Oondjimbo da li oombuanaua. Ajehe ja li ja njanjukua nuulamba uauo uuanaua momake gauo.

Omijeelo degumbo de egululua. Nongundu ajihe ja ji meni. Naakadona mbejaka jatano omo ja li uo mongundu moka.

Meni mua li mua oopala shili. Oondjugo da li da zalekua naua. Oondjimbo da tsikile natango. Nuutoje auhe uili noli uua kala poshitafula.

Aakadona jatano noojakuauo jaalua ja kuutumba ja kundukida oshitafula.

Omijeelo da patua. Oshituci oshinene sha tameke.

Ihe manga oshituci sha li pokati... pulakena!... pomuuelo tapu konkola. Pondje tapu iigida: "Egulula! Egulula! Natse uo otua hala okukala moshituci."

Oolje mbeja ja cikama pondje taa iigida?

Ojo aakadona jatano omagoja, mboka ja ka landele, Ngashingeji oje ja je na omagadi. Noolamba dauo ngashingeji da tema. Oh! Ihe ecimbo lja pu po.

"Egulula!" Osho ji igida. "Alikana, egulula! Otse tu nokukala uo moshituci pamue nane."

Ihe ombushiki okua ti: "Aaue, kandi mu shi. One kamu shi ookuume ketu. Ookuume ketu ajehe oje ja mo pamue natse."

Omuuelo gua kala gua patua. Oshituci sha tsikile naakadona jatano aanandunge ja dana oshituci nenjanju.

Naakadona oojakuauo jatano omagoja oja li je nokucikama pondje momilema.

Oljo lja li ehokololo lja Jesus ndjo. Jesus sho a mana oku ja hokololela ehokololo ndika oje okua ti:

"Kalenii ano mua tonata, oshoka inamu tseja esiku necimbo." Matt.25:13.
Elundululo

EPANDULO.

-1956-

Omalenga gUukuambi
Ga gongala mUukuambi
'Mugoji lja Januari
Ja laleke aumati

Je ja shejel' ongalo
Noje ju umbil' ongalo
Shoka molua Kalunga
Taa ji molua Kalunga

Lenga lja gandj' oponda,
Ndengu lja jamb' oponda
Aapija ngu kuiijali
Ngu' iitatu ngu kuiijali

Iiponda iihamano
'Thiling' omulong' iitano
Nomapeni omulongo
Ngoka oga hupu ko

Shika nashi jambule
Oshiguana shaandjetu
Omukumo shi kumike
Aakuetu jomaandjetu

Ootate tua pandula.
Ootate tua lukula
Pamba ne mu uilike
Nampong' e mu jambeke

Jason Amakutua
Uukuambi 9 Januarie 1956.

OOKUUME KANDJE AMUHE MIILONGO J'OUAMBO.

Oluindji nde mu dimbulukua momadiladilo gandje, aalongua jandje jomaale jok'Uukualuudi, aakriste ajehe naalongi ajehe miilongo jokuuninginino tua longo kuumue mooskola detu. Oomvula odindji da piti. Tua kulupa, tua kanica oonkondo detu. Ihe Kalunga ketu ina kulupa nOmulilili guetu „Jesus Kristus oje tuu nguka nohela no nena no sigo aluhe." Hebr.13.9. Noohapu dika nda hala okumu kunda noku mu dimbuluka uudiginini ua Kalunga oshoka ine tu vuulua, nando tue mu pe uudigu sheue nisheue molua uuheci uetu. Aakuetu, tu diginineni shili, tu ka cike ko kecikilo ljetu nelaago.

Paamue mua dimbulukua sho tue mu laleke nomumuandje Beata Andjamba no tua tembukile k'Okavango. Oje okua jakula ndje oomvula dika adihe. Ando nda li ndaa na Beata, ando nda teka po naale. Otse tua kulupa pamue naje.

Ngashingeji nda njanjukua shili omulongi Sesilia Erastus sho kua ciki kutse. Tua li tua hepa mokagumbo ketu kaakadona, ihe tua mono Kalunga ine tu dimbua moluhepo luetu. Aakadona 77 ja tameke oskola jauo numvo. Epja enene lja Kalunga tatu li mono mpaka mokati ketu. Aakuetu, tandi mu indile mu tu dimbulukue momagalikano geni.

Taambeni omakundo gombili nondjuulukue gomukueni.

Selma Markkanen.

KALUNGA A KUACA NDJE.

Esiku 20.1.56. Oljo esiku ndjoka nda zi mo mOuambo ndu uka kUushimba ndi li mondjenda jokuja kOkavango. Otse otua ende pamue na tate Pinehas Kambonde naatumua aasuomi tate B. Eriksson naana je juuka ku Swakopmund notua ciki kOutjo, omo tua topoka najo. Ngame na tate P. Kambonde otua londo momashina esiku 22.1.56 sigo omOtjiwarongö. Esiku 23.1.56 otua ciki ku Grootfontein pokati kuusiku,

Mondjenda ndjika jetu onda mono shili ekuaco lja Kalunga nkene oljo lje tu kundukida shaa tuu mpoka tue ja po. Esiku 27.1.56 otua topoka ihe nomucindikiliguandje tate Pinehas Kambonde mu Grootfontein. Esiku 28.1.56 onda ciki ihe po Runtu. Opo mpaka nda jakulua nauanaua komutumua omuSuomi meme felani Sirkka Paasivirta nguka omupangi ko Runtu. Esiku 1.2.56 oljo esiku nda cika ku Kuring-Kuru. Oko nkoka nda tuminua ko oku ka kuaca moskola jaakadona.

Osho ngeji Kalunga a kuaca ndje mondjenda ajihe sigo a cikica ndje naua nkuka. Opo tuu mpaka Kalunga a hala ndi inekele kutja ekuaco lje aluhe olja kundukida ndje, miiponga kehe nomuulunde kehe tau hala omuenjo guandje. Jes.58:10.11.
Sesilia Erastus.

Aakavango aakuetu, Kalunga ne mu koleke mokukondja kueni kuomeitaalo.

INEKELA KALUNGA AUIKE.

Sho tua zi kOuambo na meme Selma M. Otue ja nkuka kOkavango. Mokutala omulonga enda kuminua omeja ngaka shoka inandi ga mona nale nkene nda valua. Onda diladila momuenjo guandje, akutu Kalunga ketu ando natse uo okue tu cigile oshikolenela shimue shomeja ngashika koojakuetu mpa. Ndele omeja ngano moku ga tala ga fa ge nomuenjo, nda tila oku ka teka noku ga ljata. Kaume kange Lidia Kavela okua kuaca ndje aluhe okutekela ndje sigo ndi igilile. Nda tameke kuteka ngaje muene.

Omukuetu ngoje ngele omutumua, kokuma nkoka ua tuminua kOmuaa, ino ja ongoje auike. Opo uaa hulile ondjlakati kutja ino cika kecikilo ljoje. Otango natu kuce Jesus Omuaa guetu tuje na je miilonga jetu ajihe, oshoka oje oonkondo detu esiku kehe.

Ngame uo-tandi hambelele Kalunga sho a kuaca ndje nokua pe ndje meme nguka ndi li naje moshilonga she. Ihe one aamua-meme mOmuaa aakolonkadi naakualuudi, naamuhe tuu, tu igandjeni kOmuaa Jesus, tu vulikeni koohapu de. Hebr. 13. 5-8.

Mua kundua komumuanjoko mOmuaa,
Beata Andjamba.

OUNJUNI UPE.

Kalunga ta longo fijo onena eli. Osho Omukulili a lombuela ovajuda! Nokutia Kalunga ota longo mepupi keshe. Osho ota longo jo paife. Ndelene epupi keshe tali longifua ku Kalunga otali eta po oupe uomuKalunga.

Ndelene Kalunga ounjuni okue u shita melihupipiko linene. Ta ti: „Tu shiteni ovañu ve tu fe." Ndelene nande ope na etumbulo ounjuni upe, otu shi shii efina limue alike olo tuu elihupipiko omo ngaho tamu tungilua kepupi keshe. Natu tale jo omufimanekua uovaitaveli ovauambo Tatekulu Nakambale kanene eshi e li hepekela ovauambo. Oje a lundulula omambo mahapu fijo Ombimbeli Ijapuki.

Ngeno tua tala amafano ovashamane ovandongga ovo tava piti molupale laje va li tava lundulula omambo a leshue melaka lovandonga ove fike peni mbela? Oje a lundulula melihupipiko linene pafina eli: „Tu shiteni ovañu ve tu fe." Omalundululo aje okua ninga omukañga munene mOuambo. Ndelene omapupi taa landula paife a fa ina hala okupula sha.

Elundululo la Nakambale ola kuatela ovauambo kumue shaashi ola tungua mombili ojo Jesus e ipa ovalongua vaje Joh. 20: 27. Taleni ovakuetu ovahoolike vepupi eli lonena li li po omalundululo etu ngeuge otaa tungu tuu mefina. Eemuenjo dovañu tadi ongelua melihupipiko lomuJesus Kristus. Elundululo lelaka oshinima shinene unene. Osho nda hala ndi lombuele omulundululi keshe nande okatumbulo kamue kanini otu na okupula jo unene kovadaleluamo velaka.

Nanje jo ovadaleluamo ovo vounjuni upe, taleni omukañga mue u lafulilua ngeenge mua hala ekuatafano ile oukumue. Tu ha tunge ounongo uetu vene noku ha dina ondunge ja mukueni.

Elihupipiko olo efina komulundululi keshe ou a hala okutuala oshiuana komesho. Tala alushe omanjolo a tatekulu Nakambale. Otaku tuikilua.

Vilho Kaulinge.